

1613_057.jpg


Seconde Continuation. 57

itions necessaires pour se faire voye si les habitants de Vetzlar luy refusoient la porte. A la poincte du iour estât arriué prez de Vetzlar, & descouvert par la sentinelle du clocher, toute la ville en fut fort esmeüe: La veüe du Prince si prez de la ville aueugla l'entendement des habitants, les vns courans aux armes, & les autres au Conseil pour resoudre ce qu'ils feroient. Mais en vne heure le Landtgraue ayant faict placer & pointer trois canons prests à tirer, les Vetzlariens se voyans surpris, prirent le chemin de l'obeissance, & luy ouurirent les portes de leur ville, où il entra avec tous ses gens de guerre, plaçant son canon aux aduenües du marché. Ainsi sans coup ferir le Landtgraue par prouoyance & diligence se rendit maistre de Vetzlar, & y establit vn Gouverneur à sa deuotion; & les habitants en perdant leur pretention, deuinrent subjects, & furent quittes pour lors de nourrir les soldats vne seule iournee: car dez le lendemain ce Prince s'en retourna à Giessen avec ses freres, content de ce qu'il auoit finy ce differend sans trouble.

La rude saison de l'hyuer contrainct assez les Roys, & les Souuerains de dōner trefues à leurs armes: Elle faict qu'ils se retirent aux villes, où traitans de leurs affaires ils ne laissent pas de se donner de la recreation & du trauail, par de beaux & gentils exercices, en attendant que le printemps leur ouure la commodité de l'execution de leurs hautes entreprises. Tous les Archiducs d'Autriche s'estans rendus à Vienne prez

De ce qui se passa au Carrousel fait à Vienne en Autriche.

1613_058.jpg



1613_059.jpg

Seconde Continuation.

59


Vne fille à cheual, vestuë d'une gaze d'or rouge, tenant vn cœur en sa main : deux autres filles à ses costez, l'une vestuë de gaze d'or bleu, & l'autre de gaze d'argent. Des Trompettes : Des Tambours d'airain : Trois Escuyers vestus de gaze d'argent & bleu, Celuy de costé droidt portoit vn Soleil, & le gauche vn Iris. Puis suivoyent les Cheualiers de l'Empereur ayans leurs vestemens en Anciens Romains, & leurs chevaux tres richement caparaçonnez. Apres eux estoient nombre d'Escuyers avec lances peintes.

II. La seconde troupe estoit celle des Archiducs. Les couleurs estoient de blanc & verd. Deux Vierges montees, l'une sur vn Elephant, l'autre sur vn Crocodile : Plusieurs personnes masquées : Six trompettes : Les Archiducs avec la lance, ayans aussi leurs vestemens d'une façon à l'antique, la coiffure de toile d'argent, les pernnaches verds, & leurs chevaux caparaçonnez des mesmes couleurs : Deux filles, l'une vestuë de gaze verte, tenant vn ancre d'argent : l'autre de gaze d'argent tenant vne bague d'or. Dix Estafiers, & trente Escuyers tenans chacun vne lance peinte.

III. La troisieme estoit le Marquis de Megav, avec six Cavaliers ayans l'armet en teste, la lance en main. Les couleurs estoient de bleu, blanc & incarnat.

III. La quatrieme estoit le Baron de Chouenuller, lequel faisoit cheminer devant luy vne Machine en forme de theatre, sur lequel

1613_060.jpg



1613_061.jpg




Image issue du site mercurefrancois.ehess.fr - Cliché (c) Cécile Soudan